

## CLASSIS OCTAVA.

D E

## EMPLASTRIS.

EMPLASTRUM CON-  
TRA ABORTUM UMBILI-  
CO APPLICANDUM.

℞. Mastichis  
Mumiæ  
Olibani  
Gummi arabici  
Tragacanthi  
Florum balauftiæ  
Rosarum ana unciam unam,  
Sanguinis draconis  
Boli armenæ  
Lapidis hæmatitis ana unci-

am semis,

Pulverifata misceantur, & cum

Ceræ citrinæ  
Resinæ ana libra una

Liquatis fiat emplastrum, & exin-  
de formentur magdaliones.

*Ufus in denominatione indicatur.*

EMPLASTRUM CON-  
TRA ABORTUM LUMBIS  
APPLICANDUM.

℞. Emplastri præcedentis libram  
unam,

Unguenti comitissæ unciam  
unam semis,

Misceantur, & fiat emplastrum.

*Cujus virtutes nomen indicat.*

EMPLASTRUM AL-  
BUM COCTUM.

℞. Olei olivarum

Cerussæ ana libras sex,

Instilletur sub coctione modicum  
aceti destillati, & coquantur ad de-  
bitam consistentiam, ut fiat em-  
plastrum.

*Impetiginibus & tenuibus cutis exul-  
cerationibus subvenit.*

EMPLASTRUM DE  
AMMONIACO.

℞. Unguenti de althæa libram se-  
mis,

Ceræ citrinæ libram unam, *3i*

Emplastri de meliloto *3ii*

Gummi ammoniaci ana uncias  
quatuor, *3x ʒi*

Galbani

Bdellii ana unciam unam, *aa ʒij ʒi*

Resinæ pini uncias quatuor se-  
mis, *ʒij ʒi*

D d

Tere-

Terebinthinæ claræ  
 Pulveris radicis ireos florentinæ  
 Bryoniæ ana unci-  
 am unam se-  
 mis, *ad 3/4*

Misceantur, & fiat emplastrum, un-  
 guentum, ceram, resinam & em-  
 plastrum leniter liquando, gummi  
 ammoniacum, & galbanum in te-  
 rebinthina solvendo, tandem  
 bdellium & pulveres radicum ad-  
 dendo.

*In affectibus externis concoctionem  
 & digestionem promovet, inflammatio-  
 nes tollit, indurata emollit, ulcera ab-  
 stergit & consolidat.*

### EMPLASTRUM DE BACCIS LAURI.

℞. Baccarum lauri libram unam,  
 Thuris  
 Mastichis  
 Myrrhæ rubræ  
 Cyperi rotundi  
 Costi dulcis  
 Olei laurini  
 Terebinthinæ claræ ana libram  
 semis,  
 Cerae citrinæ libram unam se-  
 mis,

Fiat, lege artis, emplastrum oleum  
 terebinthinam & ceram invicem li-  
 quando, & factâ ab igne remotio-  
 ne cætera admiscendo.

*Ventriculi, intestinorum, hepatis,  
 renum, vesicæ, uteri & consitarum par-  
 tium affectus à flatibus ortos profligat,  
 & hydropi medetur.*

### EMPLASTRUM DE BETONICA.

℞. Terebinthinæ claræ  
 Resinæ pini  
 Cerae citrinæ ana uncias octo,  
 Pulveris betonice uncias qua-  
 tuor,

Mastichis  
 Thuris

Mumia ana unciam unam,  
 Solvatur cera cum resina, dein te-  
 rebinthina & reliqui pulveres ad-  
 misceantur, ut fiat emplastrum.

*Ad dolores capitis sedandos, va-  
 riosque ibi stagnantes humores exsic-  
 candos salubre est emplastrum.*

### EMPLASTRUM CA- TAGMATICUM SIVE AD OSSIUM FRACTURAS.

℞. Resinæ libras tres,  
 Cerae citrinæ libram unam,  
 Terebinthinæ libram semis,  
 Pulveris radicis consolidæ ma-  
 joris uncias quinque,  
 Barbæ caprinæ un-  
 cias tres,  
 Boli armenæ uncias sex,  
 Lapidis hæmatitis unciam  
 unam,

Misceantur, & fiat emplastrum.

*Usus in ipsa nominis significatione  
 comprehenditur.*

### EMPLASTRUM DE CICUTA.

℞. Succu cicutæ ex tota planta  
 expressi libras duas,  
 Olei

Olei capparum libram unam,  
Coquantur ad aquositate con-  
sumptionem, dein addantur

Ceræ citrinæ libra una semis,

Pulveris cicutæ libra semis,

Gummi amoniaci aceto soluti &  
inspissati uncia tres,

Et fiat emplastrum.

*In scirrbo & tumoribus duris præ-  
cipuè lienis præstans est, aperit enim,  
emollit, & simul roborat.*

### EMPLASTRUM CI- TRINUM.

℞. Terebinthinæ libram unam,

Resinæ libram unam semis,

Ceræ citrinæ libras tres,

Omnia invicem liquando fiat em-  
plastrum.

*Vulneribus & exulcerationibus re-  
centibus medetur ea cicatrifando & in-  
flammationes præcavendo.*

### EMPLASTRUM DE CRUSTA PANIS.

℞. Crustæ panis tostæ, & per me-  
diam horam in aceto  
rosaceo maceratæ un-  
cias octo,

Pulveris mastichis

Menthæ

Nucis moschatæ ana unciam  
unam,

Olei Mastichini

Cydoniorum

Terebinthinæ ana uncias duas,

Ceræ uncias octo,

Ceræ, terebinthinæ & oleis invicem

liquifactis crusta panis & reliqui  
pulveres admisceantur, & dein fiat  
emplastrum.

*Vomitionibus puerorum, iisque,  
quorum concoctrix ventriculi facultas  
debilitata est, summè confert.*

### EMPLASTRUM DE- FENSIVUM RUBRUM.

℞. Olei hyperici libram unam se-  
mis,

Ceræ citrinæ libras duas se-  
mis,

Boli armenæ

Minii rubri ana uncias octo,

Thuris

Mastichis ana unciam unam,

Camphoræ unciam semis,

Misceantur, ut fiat, lege artis, em-  
plastrum.

### EMPLASTRUM DE- FENSIVUM VIRIDE.

℞. Ceræ citrinæ

Resinæ ana uncias octo, *Cher.*

Sevi hircini

Terebinthinæ claræ

Pulveris herbæ alchimillæ ana  
libram semis,

Misceantur, & fiat, lege artis, em-  
plastrum.

*Utrumquè hoc emplastrum sympto-  
mata vulnerum, ut inflammationes &  
effusiones ad partem affectam præca-  
vet, partesquè roborat.*



## EMPLASTRUM DIABOTANUM.

℞. Succis radicis & foliorum  
 enulæ campanæ  
 Bardanæ  
 Petasitidis  
 Chamæpityos  
 Levistici  
 Raphani rustici  
 Cucumeris agrestis  
 Scrophulariæ  
 Gratiolæ  
 Chelidoniæ minoris  
 ana uncias tres,  
 Sedi minoris libram  
 unam,  
 Chelidoniæ majoris  
 Hormini  
 Cicutæ ana libras  
 duas,

Misceantur, & coquantur ad consumptionem medietatis, addendo  
 Olei euphorbii

Lumbricorum terrestrium  
 Lithargyrii aurei ana libras  
 duas,

Coquantur assidue movendo spatulâ ad emplastri consistentiam, dein in illis liquefiant

Ceræ flavæ  
 Picis nigræ ana libra una,  
 Terebinthinæ claræ libra semis,  
 Bituminis Judaici unciæ quatuor,

Styracis liquidæ unciæ duæ,

Ab igne remotis & semirefrigeratis immisceantur

Gummi ammoniaci  
 Galbani

Opopanacis

Sagapeni ana aceto solutorum uncia una semis,

Pulveris gummi tacamahacæ unciæ duæ,

Bdellii

Olibani

Mastichis.

Baccarum lauri

Sulphuris vivi ana uncia una semis,

Radicis ireos florentinæ

Cyclaminis

Asari

Hellebori albi

Aristolochiæ longæ

Rotundæ

Seminis angelicæ

Cumini ana uncia semis,

Olei de lateribus unciæ duæ,

Camphoræ oleo caryophyllorum solutæ uncia semis,

Misceantur omnia exactè, ut, lege artis, fiat emplastrum.

*Virtutes pro tumoribus pituitosis, glandulosis & scirrhosis digerendis & resolvendis vegetabilia ingredientia suppeditant.*

## EMPLASTRUM DIACHYLUM CUM GUMMATIBUS.

℞. Emplastri diachyli simplicis uncias viginti,

Gummi galbani

Ammoniaci ana unciam unam,

Opopanacis

Sagapeni

Radicis

Radiciſ ireoſ florentinæ pulve-  
riſatæ ana unciam ſe-  
miſ,

Terebinthinæ

Reſinæ

Ceræ ana unciam unam,

Olei chamæmeli unciâſ duâſ,

Miſceantur, & fiat, lege artiſ, em-  
plaſtrum.

*Præſtantiffimum eſt emolliens con-  
coquendo, maturando, & digerendo.*

### EMPLASTRUM DI- ACHYLUM SIMPLEX.

℞. Mucilaginiſ ſeminiſ ſcœnugræci  
Lini

Radiciſ althææ ana libram  
unam,

Olei olivarum libras treſ,

Lithargyrii libram unam ſemiſ,

Coquantur omniâ leni calore con-  
tinuatâ agitatione uſquè ad hu-  
midi conſumptionem, & ſic fiat  
emplaſtrum.

*Tumoreſ mollioreſ facile reſolvit,  
& vel diſſipat, vel ad maturatio-  
nem promovet, vulnera quoquè recen-  
tia facilimè conglutinât.*

### EMPLASTRUM DIA- PALMÆ.

℞. Axungiæ porci veteriſ â mem-  
branis depurgatæ li-  
bras duâſ,

Olei palmarum

Lithargyrii triti ana libras treſ,

Vitrioli albi aquâ ſoluti unciâſ  
quatuor,

Axungia, oleum & lithargyrium  
coquantur lento igne ad conſisten-  
tiam, inſpergendo ſucceſſivè vi-  
triolum diſſolutum, fiatquè, lege  
artiſ, emplaſtrum.

*Ad ulcera dyſepulotica, œdemata,  
morboſ articuloſum, buboneſ, ambu-  
ſta, contuſioneſ, oſſium fracturaſ, &  
rheumatismoſ valet, fonticuloſ pariter  
nec ſordescere, nec excreſcere ſinit.*

### EMPLASTRUM DI- APHORETICUM.

℞. Ceræ flavæ libram unam, *℥ 13*

Colophoniæ

Bdellii

Terebinthinæ claræ ana unciâſ  
quatuor; *ad 3ij*

Succini citrini unciâſ treſ, *℥ 3*

Gummi ammoniaci præparati  
unciâſ duâſ, *℥ 2*

Galbani præparati

Sandaracæ ana unciam  
unam, *℥ 1*

Thuriſ electi

Maſtichiſ ana unciam ſemiſ, *℥ 1/2*

Cera cum colophonia liquetur, &  
coletur, quibuſ ab igne remotiſ &  
ſemirefrigeratiſ ammoniacum, gal-  
banum & terebinthina invicem li-  
quata, ultimè reliqua in pulve-  
rem redacta immiſceantur, & ſic,  
lege artiſ, paretur emplaſtrum.

*Pituitam & ſerum diſcutit ac extra-  
hit, hinc in iſchio, tumore pedum, pa-  
rotidibuſ, tumoribuſ gallicis, quos ſup-  
purâre non arridet, bono effectu ad-  
hibetur.*

E c

EMPLA-

## EMPLASTRUM DIASULPHURIS.

℞. Balsami sulphuris rulandini  
Colophonix ana uncias duas,  
Cerae uncias quatuor,  
Myrrhae pulverisatæ uncias decem,  
Prioribus tribus liquatis, & benè  
mixtis successivè inspergatur myrrha  
subtilissimè pulverisata, & sic  
fiat emplastrum.

*Omnis generis ulcera hoc emplastro  
curata esse Rulandus perhibet.*

## EMPLASTRUM DIVINUM.

℞. Lithargyrii aurei pulverisati li-  
bram unam semis,  
Olei communis libras tres,  
Coquantur simul ad emplastri spif-  
situdinem, dein admisceantur  
Lapidis magnetis præparati li-  
bra semis,  
Gummi ammoniaci  
Galbani  
Opopanacis  
Bdellii ana uncia tres,  
Myrrhae  
Olibani  
Mastichis  
Viridis æris  
Aristolochiæ rotundæ ana un-  
cia una semis,  
Cerae flavæ uncia octo,  
Terebinthinæ uncia quatuor,  
Et fiat, lege artis, emplastrum.

*Emolliendo, resolvendo, detergen-  
do & confortando in vulneribus, con-*

*tusionibus, & tumoribus hoc nomen  
sortitum est.*

## EMPLASTRUM FEBRIFUGUM.

℞. Terebinthinæ claræ unciam  
unam semis,  
Leni igne liquefactæ injiciantur  
Araneorum vivarum in lo-  
cis mundis captarum  
numerò quindecim,  
Misceantur, & agitentur pistillo,  
usquè dum nihil ampliùs de ara-  
neis conspiciatur, postea addantur  
Telarum araneorum, quantum  
prædictæ aranæ texue-  
runt,

Pulveris gummi asphalti  
Salis armoniaci ana uncia  
una semis,

Terantur, usquè dum refrigerat  
materia, & justam emplastri con-  
sistentiam aquirat, quòd cum oleo  
scorpionum simplici malaxetur.

*Usus ejus constituitur in febribus  
tertianis & quartanis, carpis manuum  
applicando.*

## EMPLASTRUM FILII ZACHARIE.

℞. Cerae albæ  
Sevi cervini ana libram unam,  
Adipis anseris  
Gallinæ ana libram semis,  
Fiat solvendo debitâ formâ, lege ar-  
tis, emplastrum.

*Viscidum & gelatinosum pulmo-  
num*

num lentorem ad exscreationem resol-  
vit, & dolores sistit.

### EMPLASTRUM AD FONTICULOS AL- BUM.

℞. Cerae albissimæ libram semis,  
Sevi cervini uncias quatuor,  
Terebinthinæ claræ unciam  
unam semis,

Olei rosarum, quantum satis,  
Misceantur omnia, & fiat, lege ar-  
tis, emplastrum chartâ subduc-  
tum, etiam sparadrappum dictum.

### EMPLASTRUM AD FONTICULOS RU- BRUM.

℞. Cerae flavæ uncias sex,  
Sevi cervini uncias duas,  
Olei liliorum alborum  
Terebinthinæ claræ ana unciam  
unam semis,

Minii uncias quatuor,  
Misceantur omnia, & fiat linteo  
subducto, lege artis, emplastrum.

*Utriusquè hujus emplastri vires &  
usus ab ipsa denominatione desumi pos-  
sunt.*

### EMPLASTRUM DE GALBANO CROCATUM.

℞. Gummi galbani in aceto disso-  
luti, & rursus inspif-  
fati uncias sex,  
Emplastri diachyli simplicis  
De meliloto ana uncias  
tres,

Cerae citrinæ uncias duas,  
Terebinthinæ claræ unciam  
unam,  
Croci austriaci drachmas sex,  
Misceantur omnia, & fiat justæ  
consistentiæ, lege artis, empla-  
strum.

*Ad emolliendos & resolvendos du-  
ros & scirrhusos tumores, dolores à  
flatibus & causa frigidâ ortos mitigan-  
dos, affectusquè uterinos leniendos à  
Mynsichto recommendatur.*

### EMPLASTRUM DE GALBANO, SEU CERA- TUM MATRICALE.

℞. Galbani in aceto soluti & inspif-  
fati uncias novem, <sup>3 1/3</sup>  
Terebinthinæ claræ libram  
unam, <sup>3 1/2</sup>

In hac dissolvantur  
Pulveris tacamahac uncia tres  
semis, <sup>3 1/2</sup>  
Asæ foetidæ uncia tres, <sup>3 1/2</sup>  
Gurimi animæ uncia duæ  
semis, <sup>3 1/2</sup>

Cerae citrinæ uncia quatuor, <sup>3 1/2</sup>  
Liquescant, & successivè adjician-  
tur

Pulveris myrrhæ uncia tres, <sup>3 1/2</sup>  
Bdellii  
Matricariæ  
Artemisiæ  
Seminis dauci ana uncia  
una, <sup>aa 3 1/2</sup>

Ut sic fiat emplastrum.

*In uteri affectibus calefacit, flatus  
tollit, doloresquè placat, umbilico ap-  
plicatum.*

## EMPLASTRUM GRYSEUM, SEU DE LAPIDE CALAMINARI.

℞. Lapidis calaminaris præparati  
uncias quatuor,

Lithargyrii

Cerussæ ana uncias tres,

Thuris electæ

Mastichis

Myrrhæ

Tutiæ ana unciam unam,

Camphoræ oleo liliorum alborum solutæ unciam semis,

Terebinthinæ claræ libram semis,

Ceræ albæ

Sevi cervini ana uncias octo,

Sevo, terebinthinâ & cerâ aliquantulum liquatis & refrigeratis reliquorum pulvis successivè immittatur, ut fiat emplastrum.

*Ulcera mundat, siccatur, explet & cicatrizat.*

## EMPLASTRUM IREATUM.

℞. Emplastri diachyli cum gummatis libram semis,

Pulveris radices ireos florentinæ

Seminis cumini ana drachmas sex,

Cum olei chamæmeli sufficienti quantitate fiat perfecta mixtio, & emplastrum.

*Vires sunt in pleuritide emollientes, discutientes, pariter status & obstructions resolvers.*

## EMPLASTRUM ISCHIATICUM.

℞. Gummi ammoniaci libram unam, *med. p.*

Picis navalis

Ceræ citrinæ ana uncias quinque,

Olei spermatis ranarum libram semis, *ziii*

Terebinthinæ claræ uncias tres,

Pulveris radices ireos florentinæ unciam unam semis,

Redigantur, lege artis, in emplastrum.

*Humores ad coxas & vertebrae lumborum delatos discutit, & exsiccat, sicquè ischiaticos dolores mitigat.*

## EMPLASTRUM AD LUPIAM.

℞. Gallarum turcicarum

Gummi Galbani aceto soluti

Viridis æris,

Farinæ frumenti ana unciam unam,

Resinæ uncias quatuor,

Terebinthinæ claræ uncias duas,

Misceantur, & redigantur, lege artis, in emplastrum.

*Usus innotescit ex ipsa nominis impositione.*

## EMPLASTRUM MAGNETICUM.

℞. Gummi sagapeni  
Ammoniaci

Galba-



Galbani ana præparatorum  
uncias tres,

Terebinthinæ claræ

Ceræ ana uncias quinque,

Magnetis arsenicalis uncias tres,

Terræ vitrioli lotæ, five colco-  
tharis edulcorati

Olei succini ana unciam unam,

Gummata cum terebinthina & ce-  
ra liquefiant, & addendo pulve-  
rem magnetis arsenicalis & colco-  
tharis, ac tandem oleum succini fi-  
at, lege artis, emplastrum,

*Carbunculos pestilenciales maturat,  
rumpit, & venenum in se attrahit,  
merito in hoc casu omnibus reliquis præ-  
ferendum.*

### EMPLASTRUM MA- LACTICUM.

℞. Ceræ citrinæ libram unam,  
Terebinthinæ claræ uncias  
quinque,

Sevi cervini

Resinæ ana uncias quatuor,

Gummi ammoniaci

Galbani

Pulveris radice curcumæ

Seminis fœnu-græci

Lini ana uncias duas,

Radice althææ unciam  
unam,

Farinæ fabarum

Lupinorum ana unciam  
unam semis,

Ceræ, sevo & resinæ liquefactis,  
colatis, & semirefrigeratis pulve-  
res & gummata cum terebinthi-  
na liquata immisceantur, ut, lege

artis, emplastrum fiat, quod etiam  
sine gummatibus parari solet.

*Duritiem viscerum internorum  
emollit ac resolvit, scrophulas quoque  
ac glandularum obstructiones reserat.*

### EMPLASTRUM AD MAMMILLAS RU- BRUM.

℞. Emplastri de mucilaginibus  
De minio ana libram semis,  
Pulveris lithargyrii aurei  
Minii ana unciam unam se-  
mis,

Olei liliorum alborum

Ovorum

Momordicæ

Sesami

Butyri recentis

Spermatis ceti ana unciam  
unam,

Camphoræ unciam semis,

Misceantur omnia, & fiat empla-  
strum mollioris consistentiæ.

*Ad grumosum lac in uberibus resol-  
vendum, discutiendum, tumores, ri-  
mas & inflammationes præcavendas sa-  
lubriter adhibetur.*

### EMPLASTRUM DE MELILOTO.

℞. Herbæ meliloti uncias sex,

Majoranæ

Absynthii

Florum chamæmeli

Seminis fœnu-græci

Baccarum lauri

Radice althææ ana drachmas  
tres,

Seminis apii  
 Cardamomi minoris  
 Ireos florentinæ  
 Cyperi rotundi  
 Spicæ nardi indicæ  
 Caffiæ lignæ  
 Seminis ammeos ana drachmam unam semis,  
 Gummi ammoniaci drachmas decem,  
 Styracis calamitæ  
 Bdellii ana drachmas quinque,  
 Terebinthinæ claræ uncias tres,  
 Caricarum pinguium numero duodecim,  
 Sevi hireini  
 Resinæ ana uncias duas semis,  
 Cera libram unam,  
 Olei majoranæ  
 Nardini ana unciam unam semis,

Cera cum sevo & resina liquata ac colata misceatur oleis, quibus semirefrigeratis pulveres, dein styrax & ammoniacum in terebinthina liquata, ultimò ficus in pulpam crassam redactæ addantur, & fiat, lege artis, emplastrum.

*Ad inflammationem & tumorem colli, inveteratas durities hepatis, lienis, ventriculi, aliorumque viscerum, emolliendas & relaxandas egregiè conducit.*

### EMPLASTRUM DE MINIO.

℞. Minii libras duas,  
 Olei rosacei uncias viginti,  
 Cera citrinæ uncias quatuor,

Terebinthinæ claræ uncias duas,  
 Misceantur, fiatque emplastrum rubrum.

*Virtutes hujus emplastri deprædicantur in vulneribus pectoris, antiquis ulceribus, præcipuè que consolidationem respuunt, similiter tumoribus uberrum resolvendo subvenit.*

### EMPLASTRUM DE MUCILAGINIBUS.

℞. Olei olivarum cum mucilagibus radicis althææ  
 Seminis scenugraci  
 Lini ana decocti libram semis,  
 Cera flavæ uncias viginti,  
 Gummi ammoniaci  
 Galbani  
 Opopanacis  
 Sagapeni ana aceto solutorum unciam semis,  
 Terebinthinæ claræ uncias duas,  
 Croci austriaci drachmas duas,  
 Misceantur, & fiat emplastrum.

*Virtutes sunt emollientes, digerentes, maturantes & suppurantes.*

### EMPLASTRUM NERVINUM.

℞. Radicis rubiæ tinctorum uncias duas semis,  
 Herba recentis rorismarini  
 Betonice  
 Summitatum centaurei minoris  
 Florum chamæmeli

hype-

Hyperici

Rosarum ana unciam unam,

Lumbricorum terrestrium recentium libram semis,

Coquantur in sufficienti quantitate vini, colaturæ expressæ addatur

Olei olivarum

Lithargyrii ana libra una semis,

Minii libra semis,

Coquantur denuo lento igne, ad emplastri consistentiam, cui addantur sequentia liquata &amp; depurata,

Ceræ citrinæ

Terebinthinæ claræ

Resinæ ana libra semis,

Sevi hircini uncia octo,

Gummi elemi uncia duæ semis,

Sagapeni

Ammoniacy

Galbani ana superiori terebinthina solutorum drachmæ sex,

Pulveris mastichis uncia tres semis,

Et fiat, lege artis, emplastrum.

*Nervosas partes roborat, viscosas particulas digerit, resolvitque emolliendo.***EMPLASTRUM NO-  
RICUM.**

℞. Olei olivarum libras tres,

Minii libram unam semis,

Succi raparum libram unam,

Coquantur invicem ad justam consistentiam, dein addatur

Saponis veneti libra semis,

Camphoræ uncia una semis,

Fiatque, lege artis, emplastrum, ad scatulas pro libitu infundendum.

*Roborat nervosas partes, tumores resolvit, ulcera exsiccat & cicatrizat.***EMPLASTRUM  
ODONTALGICUM.**

℞. Gummi tacamahacæ uncias duas,

Ladani

Mastichis ana unciam unam,

Olei nucis moschatæ expressi

Balsami indici nigri

Ceræ citrinæ ana unciam semis,

Succini albi præparati

Pulveris cubebæ ana drachmam unam,

Castorei drachmam semis,

Misceantur, lege artis, in emplastrum.

*Nucha & ponè aures adhibitum, nominis inscriptioni satisfacit.***EMPLASTRUM OPO-  
DELDOCH.**

℞. Olei olivarum libras duas,

Lithargyrii libram unam semis,

Coquantur lento igne ad debitam consistentiam, in fine coctionis immiscendo

Ceræ citrinæ libram semis,

Terebinthinæ claræ uncias quatuor,

Olei laurini unciam unam,

Post factam ab igne remotionem

& aliqualem refrigerationem indantur sequentia gummata aceto soluta, colata, & ad justam consistentiam inspissata cum reliquis pulveribus, scilicet:

Gummi ammoniaci

Bdellii ana uncia duæ,

Galbani

Opopanacis

Pulveris radicis aristolochiæ rotundæ

Longæ

Lapidis calaminaris

Thuris

Myrrhæ

Mastichis

Tutiæ præparatæ

Terræ vitrioli dulcis ana uncia una,

Sanguinis draconis electi

Croci martis adstringentis ana uncia semis,

Et fiat, lege artis, emplastrum.

*Ad vulnera recentia sananda, tela, spicula, cuspides (modò ossibus infixæ non sint) pilos, & quæ vulneri inciderrint, extrahenda applicatur, vulnorum quoquè tumores, humorumquè affluxus repellit vel præcavet.*

### EMPLASTRUM OXY-CROCEUM.

℞. Cerae flavæ

Resinæ

Colophonix ana libram unam,

Croci austriaci

Terebinthinæ

Gummi galbani

Ammoniaci

Myrrhæ

Olibani

Mastichis ana uncias quatuor, Cera, resina & colophonia invicem liquentur, & colentur, quibus femirefrigeratis galbanum & ammoniacum in aceto soluta, & ad consistentiam cocta, tandem reliqua in subtilissimum pulverem redacta. ultimò crocus vino irrogatus jungantur, ut fiat, lege artis, emplastrum.

*Ad fracturas ossium mirum conducit, dum coalitum promovet, calum auget, & humorum affluxiones præcavet.*

### EMPLASTRUM DE PELLE ARIETINA.

℞. Pellis arietinæ integræ numerò unam,

Coquatur in aqua fontana, donec in lentorem dissolvatur, qui coletur, & ad debitam consistentiam inspissetur

Hujus inspissati libræ duæ,

Picis nigræ

Colophonix

Cerae citrinæ ana uncia quatuor

Invicem liquentur, dein

Gummi ammoniaci depurati

Galbani depurati ana uncia semis

Cum terebinthinæ unciis quatuor liquata addatur, postea

Succi hypocistidis drachmæ sex,

Opii drachma una

In aceto dissoluta indantur, de-  
mum

Pulveris radice aristolochiæ ro-  
tundæ

Consolidæ majoris  
ana uncia se-  
mis,

Lithargyrii

Lapidis hæmatitis

Sanguinis draconis

Boli armænæ

Mastichis

Mumiæ

Olibani

Florum rosarum rubrarum

Myrrhæ

Aloes ana drachmæ duæ

Admisceantur, & inde conficiatur  
lege artis, emplastrum.

*Ad membrorum luxationes & her-  
nias bono eventu adhibetur.*

### EMPLASTRUM DE RANIS SINE MERCURIO.

R. Ranarum viventium numero  
triginta,

Lumbricorum terrestrium re-  
centium uncias octo,

Schœnanthi

Florum stœchadis arabicæ

Herbæ matricariæ ana unciam  
unam,

Croci austriaci drachmas tres,

Radice recentis ebuli

Enulæ ana uncias  
quatuor,

Coquantur in vini albi sufficienti  
quantitate ad consumptionem me-  
dietatis, colaturæ addantur

Olei chamæmeli

Anethi

Liliorum alborum ana un-  
ciæ quinque,

Lithargyrii libræ duæ,

Coquantur rursus lento igne ad  
emplastri consistentiam, in fine  
dissolvantur in eo

Ceræ flavæ

Sevi cervini ana libra una,

Terebinthinæ claræ uncia qua-  
tuor,

Styracis liquidæ

Olei laurini ana uncia tres,

Pulveris olibani uncia duæ  
mis,

Euphorbii uncia una semis,

Fiat, lege artis, emplastrum; si ex-  
petatur

### EMPLASTRUM DE RANIS CUM MERCURIO.

R. Prioris emplastri libram unam,  
Mercurii vivi terebinthinâ ex-  
tincti uncias duas,  
Misceantur benè pro emplastro.

*Commendatur utrumquè hoc empla-  
strum in doloribus artuum, homopla-  
tarum, coxendicum à lue venerea or-  
tis dissipandis, virulentiam enim luis  
blando sudore extrahit. Quod sine  
mercurio paratur, dolores à causa fri-  
gida ortos tollit.*

### EMPLASTRUM AD RUPTURAS SEU HER- NIAM.

R. Resinæ albæ libras duas,

G g

Terebin-

Terebinthinæ claræ libram  
unam,

Ceræ citrinæ uncias novem,  
Dissolvantur invicem lento igne,  
dein addantur

Pulveris radicis barbæ caprinæ  
Consolidæ ma-  
joris

Lapidis hæmatitis ana un-  
ciæ tres,

Sanguinis draconis  
Mastichis

Olibani ana uncia una,

Malaxentur cum oleo ad hernias,  
ut fiat, lege artis, emplastrum.

*Usus ex denominatione facillimè erit  
desumendus.*

### EMPLASTRUM SAN- TALINUM, ETIAM IN- COGNITUM DICTUM.

℞. Olei rosarum uncias quatuor,  
Ceræ novæ uncias octo,  
Resinæ libram unam,  
Santali rubri uncias tres,  
Croci austriaci unciam semis,  
Olibani

Mastichis

Myrrhæ

Camphoræ ana drachmas tres,  
Ceræ cum oleo & resina liquefac-  
tæ, colatæ & semirefrigeratæ san-  
talum & crocus spiritu vini diluta,  
dein reliqui pulveres immiscean-  
tur, ut fiat, lege artis, empla-  
strum.

*Hepar roborat, induratum emollit,  
ejus infarctos humores resolvit obstruc-  
tiones tollendo.*

### EMPLASTRUM SA- PONIS.

℞. Olei lumbricorum

Rosati ana libram unam,

Pulveris ceruffæ albæ

Minii ana uncias octo,

Coquantur sub modica aceti de-  
stillati instillatione ad justam con-  
sistentiam, cui adhuc calenti per-  
miscantur

Saponis veneti raspati uncia  
octo,

Agitentur continuè pistillo ligneo  
ad saponis solutionem, dein ad-  
datur

Camphoræ in olei castorei un-  
cia una semis solutæ  
uncia una,

Et probè mixtis omnibus fiat em-  
plastrum.

*In affectibus podagricis, uti & ad  
impetigines, aliasquè cutis exulceratio-  
nes abstergendas adhibetur.*

### EMPLASTRUM SA- TURNINUM.

℞. Plumbi usi & loti uncias duas,  
Sevi hircini

Ceræ albæ ana uncias quinque,

Terebinthinæ claræ uncias duas,

Lapidis calaminaris

Ceruffæ lotæ ana unciam semis,

Nihili albi

Tutiæ præparatæ ana drachmas  
duas,

Myrrhæ

Mastichis

Olibani ana drachmam unam,

Aloes

Aloes hepaticæ  
Nitri depurati  
Camphoræ ana drachmam se-  
mis,

Ceræ cum sevo hircino & terebin-  
thina liquatæ & ab igne remotæ  
reliqua pulverisata admisceantur,  
ut fiat, lege artis, emplastrum.

*Ad ulcera foetida & excæsa, inflam-  
mationes, ambusta, tumores, & vul-  
nera à Mynsichto recommendatur.*

### EMPLASTRUM SPER- MATIS CETI.

℞. Ceræ albæ uncias sedecim,  
Spermatis ceti uncias octo,  
Gummi galbani in vino soluti  
& inspissati uncias  
quatuor,

Olei amygdalarum dulcium un-  
cias duas,

Sperma ceti cum oleo solvatur, &  
liquefcatur cum cera, semirefrige-  
ratis addatur galbanum, & fiat em-  
plastrum.

*Mammis puerperarum non lactan-  
tium post partum impositum, & al-  
quandiu gestatum tumores lactis, dolo-  
res, scrophulas, imò & strumas tollit,  
quo affectu & lactantibus confert, tussis  
asperitatem quoque lenit.*

### EMPLASTRUM SPER- MATIS RANARUM.

℞. Olei spermatis ranarum  
Ceruffæ albæ ana libras sex,  
Coquantur ad consistentiam in-  
spargendo aceti destillati quantum  
fatis, in fine addantur

Camphoræ uncia duæ,  
Et sic paretur emplastrum.

*In inflammationibus & doloribus,  
ulceribus antiquis & contumacibus cum  
fructu adhibetur.*

### EMPLASTRUM SPLE- NETICUM.

℞. Gummi ammoniaci in aceto  
squillitico soluti li-  
bram unam,

Succi tabaci uncias quatuor,  
Ebuli

Resinæ pini

Terebinthinæ claræ

Olei de capparibus ana uncias  
tres,

Ceræ uncias sex,

Succi cum oleo coquantur ad hu-  
midi consumptionem, quibus cera,  
resina & terebinthina liquata & co-  
lata, tum ammoniacum solutum  
& inspissatum addantur, & fiat,  
lege artis, emplastrum.

*Ad succum melancholicum in lie-  
ne stagnantem resolvendum, ejusque  
scirrhum emolliendum & resolvendum  
summopere recommendatur.*

### EMPLASTRUM STO- MACHICUM.

℞. Pulveris gummi tacamahacæ  
Mastichis ana uncias tres,  
Nucis moschatæ  
Caryophyllorum  
Baccarum lauri  
Herbæ absynthii

Menthæ ana unciam  
unam,

Terebinthinæ claræ uncias quatuor,  
 Cerae citrinæ libram unam semis,  
 Olei cydoniorum uncias sex,  
 Misceantur, lege artis, in emplastrum.

### EMPLASTRUM STOMACHICUM PRETIOSUM.

℞. Gummi tacamahacæ  
 Ladani ana libram unam,  
 Mastichis electæ uncias quatuor,  
 Pulveris caryophyllorum unciam unam,  
 Cerae citrinæ uncias octo,  
 Olei mastichis  
 Terebinthinæ claræ ana uncias quatuor,  
 Malaxentur cum  
 Balsami peruviani uncia una semis,  
 Addantur  
 Olei destillati nucis moschatæ  
 Menthæ ana drachma una semis,  
 Fiatque lege artis, emplastrum.

*Utrumque hoc emplastrum in indigestione, diarrhæis & consimilibus affectibus ventriculo applicatum confert.*

### EMPLASTRUM AD STRUMAS.

℞. Emplastri diachyli cum gummatibus  
 Gummi galbani aceto soluti ana uncias quatuor,

Picis navalis  
 Pulveris radices scrophulariæ ana unciam unam,  
 Magnetis arsenicalis unciam semis,  
 Florum salis armoniaci martialis drachmas tres,  
 Misceantur, & fiat emplastrum.

*Cujus virtutes nomen impositum patefacit.*

### EMPLASTRUM STYPTICUM.

℞. Minii  
 Lapidis calaminaris  
 Lithargyrii ana uncias octo,  
 Mumia  
 Magnetis  
 Lapidis hæmatitis ana unciam unam semis,  
 Gummi opopanax depurati  
 Galbani depurati  
 Sagapeni depurati  
 Ammoniaci depurati  
 Bdellii ana uncias tres,  
 Succini citrini  
 Olibani  
 Myrrhæ electæ  
 Aloes hepaticæ  
 Aristolochiæ rotundæ  
 Sanguinis draconis  
 Terræ figillatæ rubræ  
 Vitrioli albi  
 Camphoræ ana unciam unam,  
 Florum antimonii  
 Croci martis adstringentis ana drachmas duas,  
 Olei lini libras duas,

Oli-



Olivarum libram unam semis,

Laurini libram semis,

Cerae

Colophoniae ana libram unam,

Terebinthinae clarae libram semis,

Oleum lini & olivarum cum lithargyrio coquantur, dein addatur lapis calaminaris, postea minimum, & coquantur ad debitam consistentiam, dein addantur oleum laurinum, cera & colophonia invicem liquata & colata, & femirefrigeratis admisceantur opopanax, galbanum, sagapenum & ammoniacum cum terebinthina soluta, demum reliqui pulveres, ultimo camphora.

*Vulnera recentia & itus celeriter consolidat, affluxiones humorum praecavet, ferrum, lignum, plumbum aliisque membris profundius inhaerentia extrahit, ulcera quoque siccant & mundificat, & haemorrhagias sistit, Crollio sic recommendante.*

### EMPLASTRUM DE TACAMAHACA.

*Sol.* ℞. Gummi tacamahacae uncias sex, Mastichis uncias duas, Styraeis calamitae unciam unam,

Olei mastichini unciam unam semis,

Cerae citrinae uncias quatuor, Terebinthinae clarae unciam unam,

Misceantur probe, & fiat, lege artis, emplastrum.

*Stomachum roborat, appetitum excitat, concoctionem promovet, & flatus dispellit.*

### EMPLASTRUM TRIAPHARMACUM.

℞. Minii subtilissime pulverisati Aceti rosacei ana libram unam semis,

Olei rosarum libras duas, Coquantur fortiter ad justam consistentiam, addendo

Camphorae unciam unam semis,

Fiatque, lege artis, emplastrum.

*Ulcera & fistulas potenter siccant, quemadmodum & parotidibus fistulosis conducit.*

### EMPLASTRUM AD VERRUCAS ET CLAVOS PEDUM.

℞. Emplastri diachyli cum gummatibus uncias tres, Viridis æris unciam semis, Salis armoniaci drachmas tres, Mercurii præcipitati rubri drachmas duas,

Olei euphorbii quantum satis, Misceantur in emplastrum.

*Cujus virtutes inscriptio indicat.*

### EMPLASTRUM VESICATORIUM.

℞. Cantharidum uncias quatuor, Olibani Myrrhae Mastichis Camphorae ana unciam semis,

H h

Tere-

*Ad Bartholomaeum Semanum in Spl.*

Terebinthinæ claræ  
 Olei rosarum ana uncias duas,  
 Cera citrinæ libram semis,  
 Liquetur cera & terebinthina cum  
 oleo, refrigeratis camphora ali-  
 quot spiritus vini guttis trita, tum  
 reliqua pulverisata addantur.

*Magna in diversis morbis est præ-  
 sidio, humores enim peccantes potenter  
 revellit, in bubonibus & carbunculis  
 pestilentialibus miasmata venenosa ad  
 exteriora provocat.*

### EMPLASTRUM AD ULCERA ANTIQUA.

℞. Olei lini libras quinque

Olivarum libram unam,  
 Minii libras tres,


Coquantur simul ad consistenti-  
 am, in fine addantur

Cera citrinæ libræ duæ,  
 Pulveris radice ireos florentinæ  
 libra semis,

Olibani  
 Mastichis ana uncia tres,  
 Camphoræ uncia una semis,

Misceantur, ut fiat, lege artis, em-  
 plastrum.

*Vires ejusdem ab inscriptione desu-  
 muntur.*



## CLASSIS NONA.

D E

# EXTRACTIS,

Et Laudanis.

### EXTRACTUM AGA- RICUM COMPOSITUM.

℞. Extracti agarici simplicis unci-  
 as duas,

Rhabarbari unciam unam,  
 Olei macis

Anisi ana guttas decem,  
 Misceantur pro extracto.

*Pituitam viscidam ac crassam è  
 ventriculo, venis mesaraicis, hepate,  
 liene, pulmonibus & utero expurgat,  
 vermesquè intestinorum pellit.*

### EXTRACTUM SEU BALSAMUM ALOES.

℞. Aloes succotrinæ quantum p-  
 cet,

Re